

Zeitschrift: Die Berner Woche in Wort und Bild : ein Blatt für heimatliche Art und Kunst
Band: 27 (1937)
Heft: 9
Rubrik: ds Chlapperläubli

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 08.07.2025

ETH-Bibliothek Zürich, E-Periodica, <https://www.e-periodica.ch>



Erscheint alle 14 Tage. Beiträge werden vom Verlag der „Berner Woche“, Bollwerk 15, entgegengenommen

Im Chlapperläubli

Im Chlapperläubli chlappert's
Und plappert's wieder sehr:
Die Welt ist voller Steuern,
Sie werden täglich mehr.
Der Franken schrumpft zusammen,
Die Steuern schwellen an,
Kein Mensch weiß, wo das endet
In der Kometenbahn.

Im Chlapperläubli chlappert's
Und plappert's wieder scharf,
Weil doch der Zukunftsluftkrieg
Schon Schatten auf uns warf.
Der Luftschutz angstverdunkelt
Manch Bürgerangesicht,
Doch als Verdunklungsmittel
Taugt alle Angst doch nicht.

Im Chlapperläubli chlappert's
Und's plappert alt und jung,
Und alle Frauen jammern
Von wegen Teuerung.
Tagtäglich geht was andres
Im Preise in die Höh'
Und leerer wird alltätlich
Das Haushaltsportemonnaie.

Im Chlapperläubli chlappert's
Un plappert's voller Hohn:
Das Leben ist voll Tücken,
Man hat nichts mehr davon.
„Nur sparen, sparen, sparen!“
So sagt der Bundesrat,
Und wenn man was erspart hat,
Dann kommt und frist's der — Staat.
Chlapperschlängli.

I dr Isebahn

Wi cha me o a so mene strubuzige
Novämbertag touffe? Mit emene schläch-
te Luun, alte Gummischueh und emene
silberige Löffel im Göfflerli bi-n-i z'Bärn
i Zuug ine gässe. Eh, wohl, wenn i so
drüber nache danke, so freut es mi grüslig,
daß ds Luggi z'Luzärn doch z'gueter-
letscht no es Buegli übercho het. Es wär
ja o schäd gsi, wenn dert d'Wiegler wär
läär blibe. Scho ratteret der Zug über
di alti, heimelige Isebahnbrugg. D'Näbel
hange fäsch bis über e Münschturm ine
und d'Alare chunnt wi Nidlecaffee. Rich-
tig, da chunnts mer grad i Sinn, ha-n-i
ächt der Gashane zue und dänkt
ächt mi Ma dra, daß er sött d'Ghüder-
chische use schtelle? Manne danke ja nie
a söttigs, wenn me ne's nid uf d'Nase
bindt. Hopla, scho ne Shtazion! Mit
emene langsame Zuug uf Luzärn use, fig
e-n-usgchocheti Dummheit. Jä, minetwäge
es het mer's halt grad besser rangschiert.
— Aha, es wird amene Ort Chalbermarit

fi. E ganzi Bilete Buremanne schtäge-n-i.
Si si gsunntiget und frisch rasiert. Jiz
cha-n-i öppis vernäh über z'Bieh, was
es gältet und was me de Guschti mues
gä, wenn si hueschte. Bis jiz tribe-n-i le
Landwirtschaft, aber me cha nie wüsse,
öb i di Kenntnis nid einisch cha verwarte.
Scho bi der nächste Shtazion schtäge di
Manne us, nume eine blibt siße, er mueß
schints z'Nicht zu nere Tante in Escholz-
matt. Das hätt i scho lang chönne merke,
er het ja es schwarzes Gwand ane und
träit e Goggose zwüsche de Händ, wo öppe
vor zwanzig Jahr isch „dernier cri“ gsi.
Er schmunzelt uf de Shtockzähnd. Cha-n-
er ächt erbe in Escholz-matt? Da chunnt
no einisch e Porzion i use Wage. Drei
währschafft Manne si o i schwarze Chut-
li. Richtig, es git e groözi Begrüßig. „E
der Tünner der Köbel, wosch du o z'Nicht
zur Tante Köfeli?“ Di drei Manne chäse-
n-ine und jiz vernime-n-i e ganzi Familie-
gschicht. D'Tante Köfeli het no e Brue-
der, wo nid grad guet tuet. Derfür siße ihri
Chinder prächtig grate. Der Eltsicht sig
grad vo der Rekruteschuel heicho und
z'Meitschi, das heig neue e riche Bure-
fuhn am Bändel. Schäd sigs de gwüß
für di Tante, aber si heig halt scho lang
d'Wasserfuch g'ha. Vo der Tante chöme
di vier Manne i ds Politisiere. Es isch
no nid e so lang sider der Fränkliabwä-
tig. Wele Ma cha da nid schtundelang
dranne ume chüßte und dischgeriere?
Jede vo dene vier isch anderer Meinig.
Bhüetis, wenn si enand nume nid no bim
Hübel näme! Wider e Shtazion. Es lusch-
tigs jungs Froueli schtigt i mit eme Bue-
gli, wo grad ersch het lehre louffe. Alles
luegt däm Chline zue. Er wott immer
aleine schta und geng seht es ne wider ab;
er isch no nid so secht uf de Bei. Di vier
Politiker wärde sanfter, das Buegli er-
inneret der eint a si Suh, wo allem a o
ersch gnapp us de Winkle-n-isch. Jiz er-
zellt er allerlei Müschterli vo-n-ihm. En
alti Frou, wo imene Egge chli ignüdt isch,
erwachet und chramet e Bih Schoggola
us der Tasche für das blonde Bürschteli.
Ganz vertieft luege-n-alli zue, wi sech der
Chli i bewundernswärt kurzer Zyt ver-
schmiert. Alles isch voll Schoggola, ds
Müüli, ds Jäggl, d'Händli und in Folge
desse o der Rod vo nere junge Dame,
wo scho vo Bärn a inere mondäne Zyt-
schrift list. Si isch erhabet über Chalber-
prise, Wasserfuch und chlini Chinder.
Wohl Mähl, jiz wird si aber läbig. Ds
Buegli hat mit sine Schoggolapatschli sech
am hälle Schüpon feschtaga, wo der Zug
g'haltet het. Der ganz Wage git Ratschleg,
wi me Schoggolapatsche chönn vertilig. Di
jungi Mama het ganz e rote Chopf. Si
isch froh, daß si cha usstige. Vor em Shta-

zionli usse wartet e Großvater uf sis Groß-
chind. — Richtig, da si mer ja scho
z'Escholz-matt. Di Manne i de schwarze
Röck näme e ärschti Mine a und schtäge-
n-us. Es ganzes Rüppeli schwarzi Lüt er-
wartet se. E Frou treit fogar e Chranz
mit sech. D'Tante Köfeli isch allem a e re-
putierlech Bärson im Dorf. Es het fei
gschtillet im Wage. Di jungi Dame mit em
Schoggolapatsche list wyter. Wartet ächt der
Brütigam uf se z'Luzärn? Das wär doch
o schenierlech dā Fläche! Jiz ändlech luege-
n-i chli voruse, i bi gwüß bis jiz nid der-
zue cho. Biel Schöns isch ja nid z'gseh.
D'Garte si trurig und d'Fälder grau. A
de Böim hange no di letschte farbige
Bletter und e wüeschi Bise fägt über
z'Land. Zwe Herre si igstigte. Aha, jiz
hat plöglech di jungi Dame Interesse für
ihri Umwält. Si seht sech in Postur,
zieht es Löffli under em Huetrand füre
und deckt der Händsche über e Fläche am
Röckli. Die Herre schine aber gar nid No-
tiz z'näh. Wi blasiert doch ase die Manne
fi! Si rede vo de schlächte Zyte, vom
Fränkli (natürlech!) und vom letschte Fueß-
ballmatsch. Z'Jümpferli zieht süßend wi-
der d'Zyttschrift füre. — So, wäge mir
chönn't's o rücke. Die Fahrt isch doch ase
chli läng. Bigoscht, es hället gäge Luzärn!
Chume-n-i ächt einisch uf Luzärn ohni
daß es ragnet? Di Lüt, wo jiz no ischtige
si, tüe scho alli luzärnere. Es seit niemer
meh „geng“ und niemer meh „weiter,
heiter, chöiter“. I will dänkt ase z'Göfflerli
abe näh mit em Götteleff. Morn isch
also Touffi. Jiz freue-n-i mi doch uf das
chline Theresli. I bi teigg vo der Fahrt
und freue mi uf enes Chacheli Raffee. —
Langsam fahre mer i. Jubee, da schteit
ja scho z'Luggi mit em Chindswage. Es
wartet nid nume uf mi, di anderi Gotte
söll o mit däm Zug cho. Richtig, da isch
fi, me fallt sech ume Hals, schtellt vor, es
isch — — di Dame mit em Schoggola-
fläcke! Bhüetis gäbis, wär hät das dänkt!
Also nüt vo Brütigam. Es isch ja d'Frou
vo Luggis Brue-der und heig sälber scho
drü Buegli. Jääää, da chume-n-i wider
einisch nid nache! I verschtande mi schints
nid uf die moderne, junge Froue. — Mir
gange zäme us em Bahnhof use und
brichte vo Bärn, vo dr Touffi und vo der
Schlächtigkeit und Rofetterie vo der Juget
vo hützutag. Fänni.

*

Humoristisches

„Ich kann das nicht verstehen. Jeden
Tag sitzen Sie bis in die Nacht im Wirts-
haus, ausgenommen am Sonntag.“

„Ja, der Sonntag gehört meiner Fa-
milie, da schlafe ich den ganzen Tag.“